

**LUTRIJA BOSNE I HERCEGOVINE d.o.o.**  
**NADZORNI ODBOR**

Na osnovu člana 22. Zakona o igrama na sreću („Službene novine Federacije BiH“, br.48/15 i 60/15) i člana 22. Statuta Lutrije Bosne i Hercegovine d.o.o. Sarajevo („Službene novine Federacije BiH“, br.95/15), Nadzorni odbor Lutrije Bosne i Hercegovine, na sjednici održanoj dana 25.07.2018. godine, d o n i o j e

**P R A V I L A**  
**novčane srećke “Piratsko Blago”**

**1. OPŠTE ODREDBE**

**Član 1.**

Ovim se Pravilima propisuju uslovi za priređivanje novčane srećke “Piratsko Blago“ (u daljem tekstu: srećka).

**Član 2.**

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “Piratsko Blago“.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri, na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

**2. NAZIV I VRIJEME TRAJANJA IGRE**

**Član 3.**

Novčana srećka “Piratsko Blago“ je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

**Član 4.**

Rok prodaje srećke otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora priređivača.

Srećke koje nisu prodane do zaključenja prodaje, odnosno dobiti na ovim srećkama, ne smatraju se neisplaćenim dobitcima.

Odluku o puštanju u prodaju svake od serija donosi direktor priređivača i ista će se objaviti u dnevnim novinama.

### **3. USLOVI ZA UČEŠĆE U IGRI**

#### **Član 5.**

Učesnikom u igri smatra se osoba koja je s priređivačem zaključila ugovor iz člana 2. ovih Pravila, uz dokaz da posjeduje srećku.  
Srećka glasi na donosioca.

### **4. PODRUČJE PRIREĐIVANJA U IGRE**

#### **Član 6.**

Srećka se priređuje na području Federacije Bosne i Hercegovine i u Brčko distriktu.

### **5. POJEDINAČNA CIJENA SREĆKE**

#### **Član 7.**

Cijena jedne srećke je 2,00 KM.

### **6. KOLIČINA I NOVČANA VRIJEDNOST EMISIJE SREĆKE**

#### **Član 8.**

Srećka se emituje u serijama. Jedna serija sadrži 1.000.000 (jedan milion) komada srećaka.

Novčana vrijednost emisije srećaka iznosi 2.000.000 KM (dva miliona konvertibilnih maraka).

Odluku o broju serija donosi direktor priređivača.

### **7. VISINA FONDA I VRSTE DOBITAKA**

#### **Član 9.**

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 200.000 KM.

Fond dobitaka iznosi 70% od ukupne emisije vrijednosti ili 77,78% od ukupne emisije vrijednosti umanjene za iznos naknade iz stava 1. ovog člana.

Novčana vrijednosti fonda dobitaka iznosi 1.400.000 KM i dijeli se na 333.584 dobitaka.

Fond dobitaka serije se raspoređuje po slijedećem planu:

Dobitna kombinacija	Vrsta dobitka	Ukupan broj dobitnih srećki	Iznos koji se izdvaja iz fonda dobitaka	Vjerovatnoća 1 : ...
3 x Dijamant (Plavi)	50.000 KM	4	200.000 KM	250.000,00
3 x Crveni Dragulj (sa šest stranica)	10.000 KM	10	100.000 KM	100.000,00
3 x Krana	5.000 KM	20	100.000 KM	50.000,00
3 x Ljubičasti Dragulj (ovalni)	1.000 KM	50	50.000 KM	20.000,00
3 x Zlatna Poluga	100 KM	500	50.000 KM	2.000,00
3 x Zeleni Dragulj (sa osam stranica)	50 KM	1.000	50.000 KM	1.000,00
3 x Zlatni Pehar	10 KM	12.000	120.000 KM	83,33
3 x Znak Euro	5 KM	30.000	150.000 KM	33,33
3 x Vreća Novčića	2 KM	290.000	580.000 KM	3,45
<b>Ukupno:</b>		333.584	1.400.000	

Prosječna vjerovatnoća za ostvarivanje dobitaka iznosi 1 : 3.

## 8. OPIS SREĆKE

### Član 10.

Srećka je pravougaonog oblika, a štampana je u 2 (dva) vizuala („Plavi“ i „Smeđi“);

Prednja strana srećke sadrži:

- Logo Lutrije Bosne i Hercegovine;
- Cijena srećke;
- Najveći Dobitak 50.000 KM;
- Naziv srećke: „Piratsko Blago“;
- Polje za grebanje označeno ispisom VAŠE KOORDINATE - OVO POLJE OGREBITE PRVO;
- LEGENDA u kojoj su prikazane dobitne kombinacije sa pripadajućim dobitkom;
- Polje za igru predstavljeno matricom 6 x 6, u kojem je jedna stranica označena slovima: A, B, C, D, E i F, a druga stranica označena brojevima: 1, 2, 3, 4, 5 i 6;
- Prvo ogrebite polje VAŠE KOORDINATE da bi otkrili tačna polja za grebanje (brojno-slovna kombinacija znakova) u donjem dijelu srećke.

Otkrivene koordinate iz polja VAŠE KOORDINATE ogrebite u donjem dijelu srećke. Ukoliko pronađete tri ista znaka iz prikazane legende ostvarujete pripadajući dobitak;

- Pakovni broj srećke;
- Polje prekriveno emulzijom sa natpisom „NE SKIDAJ“.

Poledina srećke sadrži:

- Logo Lutrije Bosne i Hercegovine;
- Logo „Srećke na dohvat ruke“;
- Logo “IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;
- NOVČANI DOBITAK: Srećka na sebi ima dva polja za grebanje i to: polje VAŠE KOORDINATE i polje za igru označeno slovima A, B, C, D, E i F; i brojevima 1, 2, 3, 4, 5 i 6. Prvo ogrebite polje VAŠE KOORDINATE da bi otkrili tačna polja za grebanje (brojno-slovna kombinacija znakova) u donjem dijelu srećke. Otkrivene koordinate iz polja VAŠE KOORDINATE ogrebite u donjem dijelu srećke. Ukoliko pronađete tri ista znaka iz prikazane legende ostvarujete pripadajući dobitak;
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“;
- Emisija 1.000.000 srećaka;
- Emisiona vrijednost 2.000.000 KM;
- Fond dobitaka: 1.400.000 KM;
- Datum prodaje do otisnut na srećki;
- PLAN DOBITAKA;
- Priređivač: Lutrija BiH d.o.o. Sarajevo, Ul. Mehmeda Spahe 11, 71000 Sarajevo;
- Sigurnosni kod proizvođača;
- Podaci o dobitniku, za oporezive dobitke: Ime i prezime, JMBG, Adresa;
- Polje sa uplatnom šifrom u brojčanoj i bar kod formi;
- Pakovni broj srećke.

## 9. UTVRĐIVANJE DOBITAKA

### Član 11.

Srećka na sebi ima dva polja za grebanje i to: polje VAŠE KOORDINATE i polje za igru označeno slovima A, B, C, D, E i F; i brojevima 1, 2, 3, 4, 5 i 6.

Potrebno je da učesnik u igri prvo ogrebe polje VAŠE KOORDINATE da bi otkrio tačna polja za grebanje (brojno-slovna kombinacija znakova) u donjem dijelu srećke.

Otkrivene koordinate iz polja VAŠE KOORDINATE je potrebno ogrebatu u donjem dijelu srećke. Ukoliko se pronađu tri ista znaka iz prikazane legende utvrđuje se pripadajući dobitak.

Učesnik u igri nije dužan uzeti srećku na kojoj su vidljivi znaci oštećenja.

## **10. NAČIN I ROK ISPLATE NOVČANIH DOBITAKA**

### **Član 12.**

Pri isplati dobitaka učesnik je dužan predati priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

### **Član 13.**

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

### **Član 14.**

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobici prodatih srećaka, koji nisu isplaćeni do propisanog roka, smatraju se neisplaćenim dobicima.

### **Član 15.**

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

### **Član 16.**

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

## **11. NAČIN UPOZNAVANJA UČESNIKA U IGRI S OVIM PRAVILIMA**

### **Član 17.**

Ova Pravila se nalaze na svim prodajnim mjestima priređivača. Osobama zainteresiranim za sudjelovanje u igri priređivač je dužan omogućiti upoznavanje sa ovim Pravilima, odnosno dati ih na uvid.

## **12. PRELAZNE I ZAVRŠNE ODREDBE**

### **Član 18.**

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

### **Član 19.**

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-29-2108-3/18.  
Dana: 25.07.2018. godine

**P R E D S J E D N I K**

**Miroslav Ćorić, s.r.**